

Paralleli LXXIII.

AVGVSTINI CATHOLICI

E T

Augustinomastigis HÆRETICI,

Quibus Orthodoxæ D. Augustini & nouellæ Secta-
torum, fidei atque doctrinæ, oppositio dia-
metralis, clarè indigitatur.

Auctore

R. P. Fr. HENRICO LANCIOTTO, Mechliniensis,
Ordinis Fratrum Eremitarum D. Augustini, &
S. Theol. Doctore Louanienſi.

ANTVERPIÆ,

Apud Guilielmum à Tongris sub signo Gryphi.

Anno M. DC. XIX.

Cum Gratia & Priuilegio.

PROLOGVS
IN
PARALLELOS
AVGVSTINI CATHOLICI
ET
AVGVSTINOMASTIGIS
HÆRETICI.



VANTVM in posterorum
Quæstionibus deciden-
dis, pondus habeat, San-
ctorum; præsertim qui
Apostolicis temporibus
viciniores fuere; Patrum
iudicium, vnus præ cæteris elucidat
Theologorum vertex D.P.N. AVGVSTINVS libro 2. contra Iulianum Pelag.
dum recensita Clariss. Sacerdotum Ire-
næi, Cypriani, Reticij, Olympij, Hilarij,
Ambrosij, Gregor. Innocent. Ioan. Basilij,
Hierony. &c. de omnium hominum pec-
cato Originali obnoxia successione, vna-
nimi sententiâ; *Dixisti, inquit, quod omnes
iudices ab odio, amicitia, inimicitia, ira, va-
cuose se deceat; pauci tales potuerunt inueniri:
Sed Ambrosium aliosque collegas eius, quos cum
illo connumeravi, tales fuisse credendum est.
Verum & si tales non fuerunt in his causis quas*
2 2 ad se

ad se delatas & inter partes cognitatas, cum hâc viuerent, suo iudicio definierunt, ad hanc tamen causam tales erant; quando de illa sententias protulerunt, nullas nobiscum vel vobiscum amicitias vel attenderunt vel inimicitias exercuerunt. Neque nobis, neque vobis irati sunt, neque nos neque vos miserati sunt. Quod inuenerunt in Ecclesia, tenuerunt; quod didicerunt, docuerunt: Quod à Patribus acceperunt, hoc filiis tradiderunt. Nondum vobiscum apud istos Iudices aliquid agebamus, & apud eos acta est causa nostra. Nec nos nec vos eis noti fueramus, & eorum pro nobis latas contra vos sententias recitamus: nondum vobiscum certabamus, & eis pronuntiantibus vicimus. Haftenus D. August. Cuius in asserendo soliditatem, in differendo acrimoniam, in exponendo breuiusculam claritatem, in iudicando Sapientiam, in dicendo modestiam, viuendo Sanctimomiam, ad viam denique veritatis deuos reducendo zelum, vti iure totâ miratur Ecclesia; Ita Sectarij qui omnes penè Patres, tanquam fallaces, & supersticiosos eleuant; vnicum tamen D. Augustinum suspiciunt, excipiunt, honorant. Sanè Ioan. Calvinus, exulceratissimus alioqui Romanæ Ecclesiæ hostis, lib. 4. Institut. cap. 14. §. 26. veteris ac noui Testamenti Sacramentorum institutâ comparatione,

ratione, atque in Subiecti confirmatio-
nem producto D. Augustino, *Hunc (ait) vt
optimum ex tota antiquitate & fidelissimum
testem sapius citamus.* Hunc ergo suis Ca-
stris Hæretici adnumerant, hunc ore pas-
sim tonant, hunc in perfidiæ suæ partes,
Batauici tum Gummaristæ, tum Armi-
nistæ (ambo Calviniani Antagonistæ &
disputantuli interminati) circa Mater.
Prædestinatio. Reprobatio. Gratia, Lib.
Arbitrij, Peccati, (quisque pro sua rixan-
di libidine) turpiter inflectunt, atque om-
nium fidelissimum veritatis assertorem
exclamant. Quid plura? Sub initium
ictarum inter Potentiss. ac Sereniss. Ar-
chiduces nostros ALBERTVM &
ISABELLAM, ex vna; & confœdera-
tos Hollandiæ, Zeelandiæ, Frislandiæ,
&c. Prouinciarum Ordines, ex altera,
partibus; Induciarum belli; ab oris illis
marinis, ad Monasterium nostrum Ant-
uerpiense accedere viri præclari, iudicio
præstantes, veritatisque Orthod. vt aie-
bant, percupidi (cæteroqui Hæreticæ
prauitatis veneno præuerti) eâ mente &
scopo, vt si in plerorumque dogmatum
assertione, D. AVGVSTINVM, à Pon-
tificiorum parte stare, certò quis demon-
straret, Romanæ Ecclesiæ palmas se in-
fallibiliter duros, vltroncè compro-

mitterent. Præsentem ergo, tum Cathol. veritatis Patronum & Tutelarem meum Augustinum, ab errorum noxa vendicandi, tum de salute comprouincialium Belgarum, adeoque omnium salutaris fidei amantium, benè merendi occasionem nactus; hosce Augustini Catholici, & Augustinomastigis Hæretici Parallelos, proximâ tabulâ expressi, eo fine, vt cuius, maximè in capeienda fide fluctuanti, Orthodoxi atque omni exceptione maioris Patris Augustini, in plerisque dogmatibus controuersis, doctrinalem assertionem, industriam, constantiâ, claritatem, veritatis amorem, modestiam vitæque integritatem conspiciat; discussis falsitatis impactæ tenebris, tam vanam de S. Augustino gloriandi ansam, Ecclesiæ hostibus clarè patefcat eripi; Orthodoxa verò & Romano-Catholica fides (sine qua nemo suæ saluti benè vult consultum) hac ratione ceu nouis HÆRETICI QVARE, & CATHOLICI QVIA Parastatis, fortiùs substruatur. Iam ad rem propiùs accedamus.

PARA-

PARALLELVS PRIMVS.

AVGVSTINI CATHOLICI.

Absoluendi à peccatis veram & iudiciariam potestatem, non solum remissa esse declarandi prerogatiuam, habent noui Testam. Sacerdotes.

A.



Iuus Augustinus, de vera & falsa Pœnitent. cap. 10. Ipsi enim Sacerdotes plus iam possunt proficere, plus confitentibus parcere: quibus enim remittunt, remittit Dominus; Lazarū quem de mo-

numento iam suscitatum obtulit Dominus discipulis soluendum, per hoc ostendens potestatem soluendi, concessam Sacerdotibus, dixit enim: Quæcumque solueritis super terram, &c. Non dixit quos putatis ligare & soluere; sed, in quos exercetis Opus Iustitiæ aut Misericordiæ.

PARALLELVS PRIMVS

AVGVSTINOMASTIGIS HÆRETICI.

M *Artin. Lutherus, art. 13. apud Ioan. Rossensem: Absente Sacerdote, etiam puer, aut mulier, & quilibet Christianus absolvere potest. Et Ioan. Calvinus, lib. 3. Instit. cap. 14. §. 14. Quum de Clauibus agitur, semper cauendum est, ne facultatem aliquam somniemus ab Euangelij prædicatione separatam. Et §. 20. Inferendum ergo erit, nullos Sacrificulos habere clauium potestatem. Et §. 23.*

a 4

Abso-

Absolutio quæ fidei seruit, nihil aliud est, quàm testimonium veniæ, ex gratuita Euangelij promissione, sumptum.

Vide Gubernatores Ecclesia.

Parallelus 2.

Augustini Catholici.

*Actiones iustorum non sunt omnes impuritate peccati
ac carnis conspersæ.*

D. August. lib. 2. de Peccator. Merit. & remiss. cap. 7. Ex hoc quod (baptizati) in nouitate sunt, hoc est ex plena & perfecta remissio, peccatorum & quantumcunque illud est, quod spiritualiter sapiunt, eique congruos mores agunt, filij Dei sunt; intrinsecus enim exuimus veterem hominem & induimus nouum. Et lib. de bono Coniugal. cap. 6. Coniugalis concubitus generandi gratiâ, non habet culpam. Et cap. 7. Reddere debitum coniugi, nullius est criminis.

Parallelus 2.

Augustinomastigis Hæretici.

Luther. art. 31. apud Rossen. In omni opere bono iustus peccat. Et Calvin. l. 3. Instit. cap. 11. §. 11. Hoc secundum (reformari in vitæ nouitatē) sic inchoat Deus in electis suis totoque vitæ curriculo paulatim & interdum, lentè in eo progreditur, vt semper obnoxij sint apud eius Tribunal, mortis iudicio. Et eodem lib. c. 3. §. 10. Docemus itaque in sanctis, donec mortali corpore exuantur, semper esse peccatum. Et c. 14. §. 9. Dico quod optimum ab illis proferri potest, aliquâ tamen semper carnis impuritate respersum & corruptum esse, ac tantum aliquid facis admixtum habere.

Vide Opera Supererogationis.

Paral-

Parallelus 3.

Augustini Catholici.

*Adam non Dei ordinatione vel iussu ; at permissu
duntaxat est lapsus.*

D. Aug. lib. 13. de Trinit. cap. 12. & lib. 3. contr. Iulian. c. 2. 3. 4. Modus autem iste quo traditus est homo, (Adam,) in Diab. potestatem, non ita debet intelligi tanquam hoc Deus fecerit, aut fieri iusserit, sed quod tantum permiserit, iuste tamen. Et lib. de vera Religio. c. 14. Quod hominibus peruerso Angelo persuasum dicitur, etiam ad hoc utique voluntate consensit.

Parallelus. 3.

Augustinomaisticis Hæretici.

Caluin. l. 3. Instit. c. 23. §. 7. Disertis verbis hoc extare negant (Scholastici) decretum fuisse à Deo ut suâ defectione periret Adam: Quasi verò idem ille Deus quem Script. prædicat facere quæcumque vult, ambiguo fine condiderit nobilissimam ex suis creaturis : Et post pauca. Decretum quidem horribile fateor ; inficiari tamen nemo poterit, quin præsciuerit Deus quem exitum esset habiturus homo antequam ipsum conderet ; & idè præsciuerit, quia Decreto suo sic ordinârat.

Vide Voluntas hominis, & Deus.

Parallelus 4.

Augustini Catholici.

*Adoratione Religiosâ, Dulia dictâ, Sancti
licitè coluntur.*

D. Aug. sermo. 1. de SS. Petro & Paulo. Beatiss. Petrum Piscatorem modò genibus prouolutis adorat
Gen-

Gentium multitudo. *Et sermo. 2. in Psal. 88.* Natalitia Sanctorum cum sobrietate celebrate, vt imitemur eos qui nos præcesserunt, & gaudeant de vobis qui orant pro vobis. *Et Epist. 42. ad Madauren.* Imperij nobiliss. eminentissimum clymen (*nuno videtis*) ad Sepulchrum Piscatoris, Petri, submisso diademate, supplicare.

Parallelus 4.

Augustinomastigis Hæretici.

Caluin. l. 1. Instit. c. 11. §. 1. Sicaliquot retro sæculis, sancti qui hanc vitâ excefferant, in Dei societatem euecti sunt, vt pro illo & colerentur, & inuocarentur & celebrarentur. *Et §. 2.* Quem enim Sanctis cultum deferunt Papistæ, nihil reipsâ differre à Dei cultu, palàm est: promiscuè enim Deū & illos adorant.

Vide Reliquia Sanctorum.

Parallelus 5.

Augustini Catholici.

Altaria noui Testamenti, vero & incruento Christi Sacrificio destinantur.

D. Aug. lib. 8. de ciuit. c. 27. Quis audiuit aliquando fidelium, stantem Sacerdotem ad altare, etiam super sanctum Corpus Martyris, ad Dei honorem cultumque constructum, dicere In precibus: offero tibi Sacrificium Petre, vel Paule, vel Cypriane, cum apud memorias eorum Deo offeratur. *& l. 22. c. 10.* Nec ibi erigimus altaria in quibus sacrificemus martyribus, sed vni Deo & Martyrum & nostro Sacrificium immolamus. *Et lib. 9. Confess. cap. 14.* Memoriam sui ad altare tuum fieri desiderauit, vnde sciret dispensari victimam sanctam,

etiam, quâ deletum est Chirographum quod erat contrarium nobis.

Parallelus 5.

Augustinomastigis Hæretici.

Cal. lib. 4. Instit. cap. 5. §. 9. Denique nihil illis (Presbyteris) reliquum est præter altare, in quo Christum sacrificent, quod non est Deo, sed Dæmoniis litare.

Vide Missæ Sacrificium, & Chrisma.

Parallelus 6.

Augustini Catholici:

Angeli custodes Deo offerunt nostra vota, & nobis impetrant Divinæ Benignitatis propitiationem.

D. Aug. Soliloq. cap. 27. Ideoque magnâ curâ & vigilantissimo studio (Angeli) adsunt nobis omnibus horis & locis, succurrentes & providentes necessitatibus nostris, & solliciti discurrentes inter nos & te Domine, gemitus nostros atque suspiria referentes ad te, ut impetrēt nobis facilem tuæ benignitatis propitiationem, & referant ad nos desideratam tuæ gratiæ benedictionem,

Parallelus 6.

Augustinomastigis Hæretici.

Cal. lib. 1. Instit. cap. 14. §. 12. Valeat ergo Platonicæ illa Philosophia, de quærendo, per Angelos, ad Deum aditu, & ipsis in hunc finem colendis, quo Deum faciliorem nobis reddant: Quam superstitionis curiosique homines.

Paral-

 Parallelus 7.

Augustini Catholici.

Anima Purgatorij de sua salute securæ, extra statum sunt merendi.

D. Aug. lib. 21. de ciuit. cap. 23. Ille Purgatorius ignis deterior erit quàm quid potest in hoc sæculo pœnarum videri, aut cogitari, aut sentiri. *Et de prædest. Sanctior. c. 14.* Dicit (Cyprianus) non solum non esse fidelibus inutilem mortem, verumetiam vtilem reperiri; quoniam peccandi periculis hominem subtrahit, & in non peccandi securitate constituit. *Et Enchirid. c. 110.* Hic omne meritum comparatur, quo possit post hanc vitam releuari quispiã vel grauari.

Parallelus 7.

Augustinomastigis Hæretici.

Luther. art. 38. apud Roffen. Animæ in Purgatorio non sunt securæ de sua salute, saltem omnes, nec probatum est vllis aut rationibus aut Scripturis; ipsas esse extra statum merendi aut augendæ Charitatis. *Et art. 39.* Animæ in Purgatorio peccant sine intermissione.

Vide Purgatorius ignis.

 Parallelus 8.

Augustini Catholici.

Apostolorum Caput & superior fuit D. Petrus.

D. Aug. in Euangel. Ioan. tract. 56. Quis enim nesciat primum omnium Apostolorum esse, Beatissimum Petrum? *Et enarratio. 1. in Psal. 108.* Quædam dicuntur quæ ad Apost. Petrum propriè pertinere

re videantur, nec tamen habent illustrem intellectum, nisi cum referuntur ad Ecclesiam, cuius ille agnoscitur in figura gestasse, Personam, propter Primatum quem in discipulis habuit, Tibi dabo claves Regni cælorum: *Et de Baptis. cont. Donatist. lib. 2. cap. 1* Quis enim nescit illum Apostolatus (Petri) Principatum, cuilibet Episcopatui præferendum? *Et sermo. 13. de verb. Dom.* In illo vno Apostolo, id est, Petro, in ordine Apostolorum primo & præcipuo, in quo figurabatur Ecclesia, vtrumque genus significandum fuit.

Parallelus 8.

Augustinomaisticis Hæretici.

Caluin. lib. 4. Instit. cap. 6. §. 3. Hinc colligere licet aut illâ Christi voce nihil præ aliis datum esse Petro, aut Petrum ius quod acceperat, cum aliis ex æquo communicasse. *Et §. 7.* Nihil aliud reperies, quam (Petrum) fuisse vnum ex numero 12. parem reliquis & socium, non dominum.

Vide Petrus.

Parallelus 9.

Augustini Catholici.

Arbitrium Hominis liberum non perijt peccato Adæ.

D. Aug. disput. 2. contr. Fortunatum. Liberâ voluntate faciunt homines consuetudinem. *Et de vera Religione. c. 14.* nec hoc quidem dubitandum video, habere animas liberum voluntatis arbitrium. *Et Epist. 107. ad vitalem.* Neque fideles fiunt nisi libero arbitrio. *Vide eundem de quantis. Anima cap. 36.*

Paral.

Parallelus 9.

Augustinomastigis Hæretici.

Cal. libro 1. Instit. cap. 15. §. 8 Qui verò Christi se discipulos esse professi, in homine perditō, & in spirituale exilium demerso, lib. Arbitrium adhuc quærent, inter Philosophorum placita & celestem doctrinam partiendo, planè desipiunt. *Et Luther. art. 36* Liberum Arbitrium post peccatum, res est de solo titulo, & dum facit quod in se est, peccat mortaliter.

Vide Fatalis peccandi necessitas, Deus, Voluntas.

Parallelus 10.

Augustini Catholici.

Auctoritati SS. Patrum est cedendum.

D. Aug. contr. Epist. Manichæi ca. 5. Infirmabis mihi Catholicorum auctoritatem, qui iubent, ut tibi non credam. Quâ infirmatâ, iam nec Evangelio credere poterō, quia per eos illi credideram. Ita nihil apud me valebit quicquid inde protuleris. *Et libro. 1. contr. Iulian. capit. 2* Non quidem omnium (SS Patrum) de hac re sententias, nec omnes eos quos commemorabo, me congregaturum esse polliceor, quia nimis longum est & necesse esse non arbitror, sed ponam pauca paucorum, quibus tamen nostri contradictores cogantur erubescere & cedere.

Parallelus 10.

Augustinomastigis Hæretici.

Luther. lib. contra Angliæ Regem: Nihil curo si mille Augustini, mille Cypriani, mille Ecclesiæ contra
me

15

me starent. *Et Cal. lib. 2 Institut. cap. 14 §. 3* Atque hic excusari non potest veterum error, qui dum ad Mediatoris Personam non attendunt, totius ferè doctrinæ, quæ in Euangelio Ioannis legitur, genuinum obscurant sensum, seque implicant multis laqueis. *Et lib. 3 ca. 5, §. 10.* Sed veteres omnes fateor, in errorem abrepti sunt. *Et lib. 4. ca. 12 §. 20* Non in totum excusare audeo veteres, quin & superstitionis quædã semina iecerint, & occasionem præbuerint Tyrannidi &c.

Vide Scriptura. Auct or peccati non est Deus Vide, Deus.

B.

Parallelus II.

Augustini Catholici.

Baptizati vniuerso peccatorum reatu expiantur & perditionem in Adamo Iustitiam recipiunt; sed quam Baptis. gratiam amittere possunt.

D. August. lib. 3. de Symbol. ad Catechum. cap. 10. Omnia prorsus delicta delet S. Baptisma & originalia & propria: dicta, facta, cogitata, cognita, incognita, omnia dimittuntur. Innouat hominem qui fecit hominem, donat delicta qui non quærit merita; præuenit gratia etiam ipsam Infantiã. *Et lib. 6. de Genes. ad lit. cap. 24.* Quomodo renouari dicimur, si non hoc recipimus quod perdidit primus homo, in quo omnes moriuntur? *Post pauca.* Non immortalitatem spiritalis corporis recipimus, quàm nondum habuit homo: sed recipimus iustitiam ex qua lapsus est homo. *Et Epist. 23. ad Bonifac.* Semel perceptam paruulus Christi gratiam non amittit, nisi propria impietate, si ætatis accessu tam malus euaserit: tunc enim propria incipiet habere peccata,

Paral-

Parallelus 11.

Augustinomastigis Hæretici.

Luther. art. 2. apud Rossen. In puero post Baptismum negare remanens esse peccatum, est Paulum & Christum simul conculcare. Et, Baptismus omnia (peccata) remittit, sed nullum pœnitens tollit. Et de Captiuit. Babyl. cap. de Baptis. Baptizatus non potest, etiamsi velit, gratiam amittere, quantumcunque peccet, nisi nolit credere. Et Caluin. lib. 4. Institut. cap. 15. §. 10. Perspicuum est quàm falsum sit quod docuerunt pridem nonnulli, in quo alij persistunt, per Baptismum solui nos & eximi nos ab originali peccato & à corruptione, quæ ab Adam in vniuersam posteritatem propagata est, atque in eandem iustitiam, naturæque puritatem restitui quam obtrunxisset Adam, si in ea quâ primùm creatus fuerat, integritate sterisset.

Vide Actiones Iustorum, & Concupiscentia.

Parallelus 12.

Augustini Catholici.

Baptismi Cereemonia laudantur à D. Augustino.

D. August. lib. 6. contr. Iulian. cap. 8. Signo Crucis consecratur vnda Baptisimatis, vt eâ diluatur reatus. Et lib. 2. de Nupt. & Concupisc. cap. 18. Sic accusat Ecclesiam toto orbe diffusam, in qua vbique omnes Baptizandi infantuli non ob aliud exsufflantur. Et de dogmat. Eccles. cap. 31. Cum siue paruuli, siue iuuenes, ad regenerationis veniunt Sacramentum, non prius fontem vitæ adeant, quàm Exorcismis & exsufflationibus Clericorum, Spiritus ab eis immundus abigatur.

Paral-

Parallelus 12.

Augustinomastigis Hæretici.

Caluin. lib. 4. Inſtit. cap. 15. §. 19. Inuenta eſt Benedictio vel potius incantatio , quæ veram aquæ cõſecrationem pollueret. Additus poſtea cereus cū Chriſmate ; exſufflatio verò ianuam ad Baptiſm. aperire viſa eſt. *Et poſt pauca.* Ad craſſiora ludibria (*Satan*) prorupit : Hinc ſputum & ſimiles nugæ.

Vide Cerimonia.

Parallelus 13.

Augustini Catholici.

*Bello & legibus coercendi ſunt infideles , Turcæ ,
& Hæretici.*

D. Aug. Epiſt. 50. ad Bonifac. Poſtea verò quam cæpit impleri quod ſcriptum eſt *Pſalm. 71.* & adorabunt eum omnes Reges terræ &c. Quis mente ſobrius Regibus dicat, nolite curare in Regno veſtro, à quo tueatur vel oppugnetur Eccleſia Domini veſtri. *Et Epiſt. 146. ad Donatiſtas.* Inde Gratianus & Theodoſ. legite quando vultis, quæ de vobis conſtituerint. Quid ergo de filiis Theodoſij miramini, quaſi aliud in hac cauſa ſequi debuerint, quam Conſtantini iudicium, per tot Chriſtianos Imperatores firmiſſimè cuſtoditum?

Parallelus 13.

Augustinomastigis Hæretici.

Luther. art. 34. apud Roſſen. Præliari aduerſus Turcas, eſt repugnare Deo viſitanti iniquitates noſtras

stras per illos. Et. Qui habet aures audiendi , audiatur, & à bello Turcico abstineat, donec Papæ nomen sub Cœlo valeat. Dixi.

Parallelus 14.

Augustini Catholici.

Benedictiones Ecclesie D. Augustino probantur.

D. Aug. lib. 22. de Ciuit. Dei cap. 8. Surreximus & acceptâ ab Episcopo benedictione, discessimus: & *Epist. 59. quæst. 5. ad Paulin.* Interpellationes autem, siue, vt vestri codices habent, postulationes fiunt, quum populus benedicitur: tunc enim Antistites velut Aduocati, susceptos suos per manus impositionem, misericordissimæ offerunt potestati.

Parallelus 14.

Augustinomastigis Hæretici.

Calu. l. 4. Instit. cap. 10. §. 18. Ridiculos se faciunt &c. partim ineptas gesticulationes, & inanes cærimonias, quas insulsi Sacrificuli, qui nec nare sciunt, nec litteras, perquam ritè peragunt. Et paulo post. Hæc κακοζυλία bonam istorum rituum partem nobis peperit.

Parallelus 15.

Augustini Catholici.

Calix non est de necessitate Sacramenti.

D. Aug. l. 3. de Consens. Euangelist. ca. 25. Non autem incongruenter accipirais, hoc impedimentum in oculis eorum à Satana factum fuisse (in Emaus) ne agnosceretur Iesus, sed tamen à Christo facta

est

est Permissio vsque ad Sacramentum panis, vt v-
nitate corporis eius participatâ, remoueri intelli-
gatur impedimentum inimici, vt Christus possit
agnosci: *Et Epist. 86.* Ita eâdem nocte fracturus pa-
nem, sicut frangitur in Sacramento corporis
Christi, produxit sermonem vsque ad medium
noctis.

Parallelus 15.

Augustinomastigis Hæretici.

Luther. in Septicipite Cochlai ca. 23. In despectum
Concilij eiusque statuti, aut vnâ aut neutrà, & mi-
nimè vtraq;,, vti vellemus, maledicturi vniuersos,
Et Calvin. lib. 4. Instit. c. 17. §. 47. Ex eadem prodiit
officina & altera constitutio, quæ dimidiam Cœnæ
partem, meliori Pop. Dei numero vel furata est,
vel eripuit, nempe Symbolum sanguinis, quod lai-
cis & profanis (his scilicet titulis Dei hæreditatē
insigniunt) interdictum paucis rasis & vnctis in
peculium m cessit. Edictum æterni Dei est, vt omnes
bibant.

Vide Caro Christi.

Parallelus 16.

Augustini Catholici.

*Cantus Latinus Ecclesiasticorum; iam pridem in
vsu fuit.*

D. Aug. Epist. 57. ad Dardan. quest. 1. Nosti autem
in quo Sacrificio dicatur, Gratiâs agamus Domi-
no Deo nostro. *Et de bono perseuer. ca. 13.* Quod ergo
in Sacramento fidelium dicitur vt sursum corda
habeamus ad Dominum, munus est Domini &c.

b 2

admo-

admonentur, & dignum & iustum esse respondēt.
*Et l. 9. Confess. c. 6. & 7. Quantum fleui in Hymnis
 & Canticis tuis suaue sonantis Ecclesiæ tuæ voci-
 bus commotus acriter.*

Parallelus 16.

Augustinomastigis Hæretici.

*Cal. l. 3. Instit. ca. 20. §. 33. Quis ergo effrænem
 Papistarum licentiam satis miretur, qui Apostolo
 palam sic reclamante, exoticâ linguâ verbosissi-
 mas preces reboare non formidant, in quibus
 nec Syllabam vnam ipsi interdum assequuntur,
 nec alios intelligere volunt?*

Parallelus 17.

Augustini Catholici:

*Caro Christi realiter & substantialiter in Eucharistia
 præsens, est adoranda.*

*D. Aug. lib. 2. contra. liter. Petilia. cap. 37. Aliud est
 Pascha quod adhuc illi de oue celebrant, aliud au-
 tem quod nos in corpore & sanguine Domini ac-
 cipimus. Et in Psalm. 98 Suscepit enim (Christus) de
 terra terrâ, quia caro de terra est, & de carne Ma-
 riæ carnem accepit; & quia in ipsa carne hic am-
 bulauit, & ipsam carnem nobis manducandam ad
 salutem dedit. Nemo autem illam carnem mādū-
 cat, nisi prius adorauerit.*

Parallelus 17.

Augustinomastigis Hæretici.

*Cal. lib. 4. Instit. ca. 17. §. 12. Primò quidem præ-
 sentia Christi in Sacramento minimè talis som-
 nianda nobis est, qualem Rom. Curia Artifices*

con-

131
confinxerunt, ac si locali præsentia Corpus Christi manibus atrectandum, atterendum dentibus, ore deglutiendum sisteretur. Et §. 5. Interim verò hanc non aliam esse quam fidei manducationem, fatemur, vt nulla alia fingi potest.

Vide Superstitio, Calix.

Parallelus 18.

Augustini Catholici.

Castitas absolutè seruatu est possibilis.

D. Aug. libro. 2. de Adulter. Coniug. cap. 20. Plurimæ pudicissimè transigunt & maximè Syræ, quarum mariti negotiandi quæstibus occupati, iuuenes adolescentulas deferunt, & vix aliquando senes ad aniculas reuertuntur; eo ipso euidentius conuincuntur, non esse impossibile quod se non posse causantur. Paulo post. Quando istos terremus ne adulti coniugiis hærendo, pereant in æternum, solemus eis proponere etiam continentiam Clericorum, qui plerumque ad eandem sarcinam subeundam capiuntur inuiti, eamque susceptam vsque ad debitum finem, Domino adiuuante, perdunt. Et de bono viduitat. cap. 11. Post voti professio. perscueranter frænandum & vincendum est, quod liber quia iam non licet.

Parallelus 18.

Augustinomaestigis Hæretici.

Luther. sermo. de Matrimo. Est res necessaria vt matrem feminæ, feminam mari sociari oporteat. Et Cal. 1m. Instit. cap. 8. §. 43. Si ad domandam libidinem vires deficient, intelligat iam sibi coniugij necessitatem

sitatem à Domino impositam.

Vide Cœlibatus, Virginitas & Votum.

Parallelus 19.

Augustini Catholici.

Carimonia Ecclesiæ ad pietatem accendunt.

D. Aug. Epist. 119. ad Ianuar. cap. 11. Credo quòd ipse Animi motus quamdiu rebus adhuc terrenis implicatur, pigrius inflammatur : si verò feratur ad similitudines corporales (*Carimonia*) & inde feratur ad spiritalia, quæ illis similitudinibus figurantur, ipso quali transitu vegetatur, & tanquam in facula ignis agitatus, accenditur.

Parallelus 19.

Augustinomastigis Hæretici.

Caluin. lib. 4. Institut. cap. 15. §. 19. Et si autem me non latet quàm vetusta sit aduentitiæ huius farraginis (*Ceremoniarum*) origo : respuere tamen mihi & pijs omnibus fas est, quicquid ad Christi institutionem addere ausi sunt homines.

Vide Baptis. Ceremonia, & Leges.

Parallelus 20.

Augustini Catholici.

Character inamissibiliter à quibusdam Sacramentis, anima imprimitur.

D. August. lib. 2. contr. Epist. Parmen. cap. 13. An fortè minus hærent Sacramenta Christiana quàm corporalis (*Militiæ*) hæc nota, quum videamus nec Apostatas carere Baptismate, quibus utique per penitentiam redeuntibus non restituitur, & ideo amitti non posse iudicatur?

Paral-

Paralleus 20.

Augustinomastigis Hæretici.

Caluin lib. 4. cap. 19. §. 31. Hoc est (si Deo placet) sacrum oleum quod Characterem indelebilem imprimit; quasi verò oleum pulvere & sale abstergi non possit, aut (si tenacius adhæsit) sapone. At Character ille spiritualis est: Quid oleo cum Anima?

Parallelus 21.

Augustini Catholici.

Chrismatis Sacramentum & oleum sanctum est.

D. August. lib. 2. contr. lit. Petilia. cap. 104. Sacramentum Chrismatis in genere visibilium Signorum sacrosanctum est, sicut ipse Baptismus. *Et lib. 5. contr. Donatist. cap. 19.* Quomodo aquam mundat & sanctificat homicida? Quomodo benedicunt oleum tenebræ.

Parallelus 21.

Augustinomastigis Hæretici.

Caluin. lib. 4. Instit. cap. 19. §. 7. Qui oleum vocant oleum salutis, salutem quæ in Christo est, abinquant, Christum abnegant. *Et §. 10.* Præ hac (aqua) vestrum oleum non vnius stercoreis facimus siue in Baptis. siue in Confirmatione. *Et Prefatio in Catechis.* Fætidum oleum Papistarum.

Parallelus 22.

Augustini Catholici.

Christi anima verè descendit ad Inferos & limbum Patrum.

D. August. Epist. 57: ad Dardan. Neque enim ipso die in cælo futurus erat homo Christus Iesus, sed in inferno secundum animam: in sepulchro autem secundum carnem. *Et paulo post.* Quod verò illa anima in infernum descenderit, Apostolica doctrina prædicat.

Pararellus 22.

Augustinomaistigis Hæretici.

Caluin. lib. 2. Instit. cap. 16. §. 9. Concludere in carcere mortuorum animas, puerile est: Christi autem animam illuc descendere ut eas manumitteret, quid opus fuit? Libenter equidem fateor Christum ipsis illuxisse virtute sui Spiritus.

Parallelus 23.

Augustini Catholici.

Ciborum delectus pœnitentia causâ assumptus, caret superstitione.

D. August. contra Adimant. Manichaum, cap. 14. Hos enim propriè designat (D. Paulus) qui non propere à temperant à cibis, talibus, ut aut concupiscentiam suam refrænent, aut infirmitati alterius partant: sed quia ipsas carnes immundas putant. *Et lib. 1. de morib. Eccles. Cathol. cap. 33.* Non reiiciendis generibus ciborum quasi pollutis, sed concupiscentiæ perdomandæ & dilectioni fratrum retin-

nendæ, inuigilat omnis industria.

Pararellus 23.

Augustinomastigis Hæretici.

Luther. lib. de vera Eccles. Reform. ratione. Iniuria fit Deo, cum simpliciter, etiam ad certos dies, usus carniū interdicitur. *Et Calvin. lib. 3. Instit. c. 19.*

Vide Ieiunium, & Satisfactio, & Virginitas.

Parallelus 24.

Augustini Catholici.

*Cælibatus Sacerdotum laudabilis est ac seruatu
possibilis.*

D. August. lib. 2. de Adulterin. Coniugiis, cap. 20. Quando terremus ne adulterinis Coniugijs hærendo, pereant in æternum, solemus eis proponere etiam continentiam Clericorum, qui plerumq; ad eandem sarcinam subeundam capiuntur inuiti, eamque susceptam vsque ad debitum finem, Domino, adiuuante, perducunt.

Parallelus 24.

Augustinomastigis Hæretici:

Caluin. lib. 4. Instit. cap. 12. §. 23. Quod Sacerdotibus interdictum fuit Coniugium, id factum est impiâ tyrannidè.

Vide Castitas, Virginitas, & Votum.

Parallelus 25.

Augustini Catholici.

*Conciliorum Generalium decreta securè & irrefragabiliter
à Catholicis suscipienda.*

D. August. lib. 7. de Baptis. contr. Donatist. cap. 53. Nobis

bis tutum est in ea (*loquitur de obscura quadam questione*) non progredi aliquâ temeritate sententiæ, quæ nullo in Catholico Regionali Concilio cœpta, nullo plenario Concilio terminata sunt: Id autem fiduciâ securæ vocis asserere, quod in gubernatione Domini Dei nostri & Saluatoris Iesu Christi, vniuersalis Ecclesiæ consensione roboratum est.

Parallelus 25.

Augustinomastigis Hæretici.

Luther. art. 115. ex quingentis art. Idèd debeo dicere; Papa tu conclusisti cum Concilijs, nunc habeo ego iudicium an acceptare queam, nec ne. *Et Calvin. lib. 4. Instit. cap. 9. §. 8.* Quoties Concilij alicuius decretum profertur, expendi primum diligenter velim quo tempore habitû sit, &c. Deinde illud ipsum de quo agitur, ad Scripturæ amussim examinari, idque in eum modum, vt Concilij definitio potius suum habeat, sitque instar præiudicii, neque tamen examen, quod dixi, impediatur.

Parallelus 26.

Augustini Catholici.

Concupiscentia in Renatis est quidem malum, sed non veri nominis peccatum?

D. August. lib. 1. de Nupt. & Concupisc. cap. 23. Concupiscentia iam non est peccatum in regeneratis, quando illi ad illicita opera non consentitur. *Et lib. 6. contr. Iulian. cap. 5. (Qui baptizatur)* Omni reatu omnium malorum caret, non omnibus malis: nunquid caret corruptione corporis?

Paral-

Parallelus 26.

Augustinomastigis Hæretici.

Caluin.lib.3.Instit.cap.2. §.12. Omnes hominum cupiditates malas esse docemus, & peccati reas peragimus, non quatenus sunt naturales, sed quia inordinatæ.

Parallelus 27.

Augustini Catholici.

Confessio auricularis peccatorum, Sacerdoti est facienda.

D. August. de vera & Falsa Pœnitent. cap. 14. Cautus sit, ne verecundiâ ductus diuidat apud se Confessionem, & diuersa diuersis Sacerdotibus velit manifestare. *Et lib. 2. de visitat. Infirmor. cap. 4.* Ergo quæ mentem grauius exacerbant facinora, Dei Angelo manifesta, nihil obscurum dicens, &c. Designanda sunt etiam in quibus peccasti loca, si recordaris & tempora, cum quibus peccasti Personis, non nomina ipsarum.

Parallelus 27.

Augustinomastigis Hæretici.

Caluin.lib.3.Instit.cap.4. §.18. Iam verò quod affirmant non dimitti peccata nisi voto confitendi firmiter concepto, & clausam esse Paradisi portam ei qui facultatem confitendi sibi oblaram neglexerit, absit vt istud eis concedamus.

Vide Absoluendi potestas. Confirmatio. Vide Chrismatis Sacramentum. Continentia possibilitas. Vide Castitas, Virginitas, Votum.

Parallelus

Parallelus 28.

Augustini Catholici.

Contritio verè mundat hominem à peccato, nec eum reddit hypocritam.

D. August. l. 2. contr. Crescon. Grammat. cap. 12. Mundantur (*homines peccantes*) & Sacrificio contriti cordis, ab illò de quo dictum est, Sacrificium Deo Spiritus contribulatus. *Et serm. 7. de Tempor.* Quando sic pœnites vt tibi amarū sapiat in animo quod ante dulces fuit in vita, & quod te prius oblectabat in corpore, ipsum te cruciat in mente: Iam tunc benè ingemiscis ad Deum & dicis, Tibi soli peccaui.

Parallelus 28.

Augustinomastigis Hæretici.

Luther. art. 6. apud Rossens. Contritio quæ paratur per discussionem, collectionem & detestationem peccatorum, quâ quis recogitat Annos suos in amaritudine animæ suæ, ponderando peccatorum grauitatem, multitudinem, fœditatem, amissionem æternæ Beatitud. & acquisitionem æternæ damnationis: Hæc contritio facit Hypocritam, immo magis peccatorem.

Parallelus 29.

Augustini Catholici.

Coronæ Clericalis tonsura est laudabilis.

D. August. Epist. 147. ad Proculianum. Per coronam nostram

nostram nos adiurāt vestri, per Coronam vestram
vos adiurant nostri.

Parallelus 29.

Augustinomastigis Hæretici.

Caluin.lib.4.Instit.cap 19. §.26. Quum dicunt Coronam clericalem habere originem à Nazaræis & rationem; quid aliud adferunt, quàm sua mysteria à Iudaicis cærimonijs nata esse vel potius merum esse Iudaismum?

D.

Parallelus 30.

Augustini Catholici.

Defunctorum Anima iuuantur Sacrificijs, orationibus, Eleemosynis.

D. August. de verbis Apost. serm. 34. Orationibus vero S. Ecclesiæ & Sacrificio salutari & Eleemosynis quæ pro eorum spiritibus erogantur, non est dubium mortuos adiuuari.

Parallelus 30.

Augustinomastigis Hæretici.

Cal. l. 3. Instit. c. 3. §. 10. Ante mille & 300. Annos vsu receptum fuit vt preces fierent pro defunctis, eos vicissim interrogo, quo Dei verbo, quâ reuelatione, quo exemplo factum sit? *Et postea.* Abrepti etiam ipsi (veteres) fateor in errorem fuerunt.

Vide Anima, & Monica.

Parallelus

Parallelus. 31.

Augustini Catholici.

*Deus non est suaser , impulsor vel auctor
actionis peccati.*

D. Aug. ad Art. sibi falso impositos. art. 10. Detestanda & abominanda opinio est , quæ Deum cuiusquam malæ voluntatis aut malæ actionis credat auctorem, *Et*, Adulteria enim Matrimonarū, & corruptelas virginum non instruere novit Sancta Divinitas. *Et paulo post.* Non ergo casus ruentium, nec malignitatem iniquorum, neque cupiditates peccantium, prædestinatio Dei aut excitavit, aut suavit aut impulit.

Parallelus 31.

Augustinomastigis Hæretici.

Luther. art. 36. apud Roffen. Mala opera Deus in impiis operatur. *Et Cal L. 1. Instit. ca. 18. §. 1.* Absalon incæsto coitu Patris thorum polluens, detestabile scelus perpetrat, Deus tamen hoc opus suum esse pronuntiat. *Et §. 2.* Vnde apparet certâ destinatione Dei, fuisse impulsos, (scilicet Assyrios ad prædam.)

Vide voluntas, & fatalis necessitas.

Parallelus 32.

Augustini Catholici.

Deus obdurat & excæcat malos , non adinuando vel instigando, sed deferendo.

D. Aug. tract. 53. in Euangel. Ioan. Excæcavit oculos eorum & induravit cor eorum. Etiam hoc eorum

rum voluntatem meruisse respondeo. Sic enim excæcat, sic obdurat Deus, deserendo, non adiuvando, quod occulto iudicio facere potest, iniquo non potest.

Parallelus 32.

Augustinoma stigis Hæretici:

Cal. l. 2. Instit. ca. 4. §. 2. Non permissionis tantum aut patientiæ Diuinæ esse peccata, sed etiam potentia, ut sic priora peccata puniantur. *Post pauca.* Ad exequenda sua iudicia per ministrum iræ suæ Satanam, & consilia eorum destinat quo visum est, & voluntates excitat, & conatus firmat &c. Ergo quia perditum Deus volebat, obstinatio cordis, Diuina fuit ad ruinam præparatio.

E.

Parallelus 33.

Augustini Catholici.

Ecclesia non est inuisibilis neque ex solis iustis constat.

D. Aug. in Epist. Ioan. tract. 2. In sole posuit tabernac. suum, id est, in manifesto. Tabernaculum eius, caro eius, tabernaculum eius, Ecclesia eius: in sole posita est, non in nocte, sed in die. *Et post.* Quid amplius dicturus sum, quam cæcos qui tam magnum montem non vident? *Et de hæres. ad Quod vult Deum, hæres. 88.* In id etiam progrediuntur, (Pelagiani) ut dicant, vitam Iustorum in hoc sæculo nullum omnino habere peccatum, & ex his Ecclesiam Christi in hac mortalitate perfici.

Parab-

Parallelus 33.

Augustinomaftigis Hæretici.

Luther. lib. de abrogand. Miffa priuata part. 1. Quis Ecclefiam nobis monftrabit, quum fit occulta in fpiritu, & folum credatur? Et Calu. l. 4. Inftit. cap. 1. §. 7. nobis inuifibilem, folius Dei oculis cōfpecuam credere Ecclefiam neceffe eft. Et: interdum quum Ecclefiam nominant, eam intelligunt, quæ reuera eft coram Deo, in quam nulli recipiuntur, nifi qui & adoptionis gratiâ filij Dei funt, & Spiritus fanctificatione, vera Chrifti membra.

Euchariftia, vide Caro Chrifti.

Exorcifmi, vide Baptifmi Cerimonia.

Parallelus 34.

Augustini Catholici.

Extrema Vnctionis Sacramentum infirmis dandum.

D. Auguft. tom. 9. de rectitud. Cathol. Conuerfationis: qui ægrotat, in fola Dei misericordia confidat, & Euchariftiâ cum fide & deuotione accipiat, oleūque benedictum fideliter ab Ecclefia petat, vnde corpus fuum vngatur.

Parallelus 34.

Augustinomaftigis Hæretici.

Cal. l. 4. Inftit. cap. 19. §. 18. Tertium fictitium Sacramentum eft Extrema vnctio, quæ nō nifi à Sacerdote perficitur, idque in extremis (fic loquuntur) & oleo ab Epifcopo confecrato. Et paulo poft, Hiftionica Hypocrifis eft.

Paral-

E.

Parallelus 35.

Augustini Catholici.

*Fatalem peccandi necessitatem nec Deus nec ulla causa
iniicit Homini.*

D. Aug. lib. 1. de sermo. Domini in monte. Omnes naturæ in ordine suo gradibus suis pulchræ sunt, sed de superioribus in quibus rationalis animus ordinatus est, ad inferiora non est declinandum : nec quisquam hoc facere cogitur, & ideo si fecerit sine iusta defensione punitur, non enim hoc committit inuitus. Et de nat. & gratia ca. 67. Quæcumq; ista causa est voluntatis, si nō potest ei resisti, sine peccato ei ceditur : Si autem potest, non ei cedatur, & non peccabitur. An fortè fallit incautum ? ergo caueat ne fallatur. An tanta fallacia est vt cauere omnino non possit ? Si ita est, ergo nulla peccata sunt : Quis enim peccat in eo quod cauere nullo modo potest ?

Parallelus 35.

Augustinomaistigis Hæretici.

Cal. lib. 3. Instit. c. 23. §. 9. Excusabiles peccando haberi volunt Reprobi, quia euadere nequeunt peccandi necessitatem, præsertim quum ex Dei ordinatione sibi iniiciatur huiusmodi necessitas. Nos verò inde negamus ritè excusari, quandoquidem Dei ordinationi quâ se exitio destinatos conqueruntur, sua constet æquitas, nobis quidem incognita, sed illa certissima,

Vide voluntas hominis.

c

Parak-

Parallelus 36.

Augustini Catholici.

*Fides semel obtenta est amissibilis, nec sola sufficit
ad salutem.*

D. Aug. lib. 1. de Doctr. Christ. ca. 37. Fide titubante, caritas etiam ipsa languescit: nam si à fide quisq; ceciderit, à caritate etiam necesse est cadat. Et de Hæres. ad quod vult Deum hæres. 54. Fertur etiam vsq; à Deo fuisse bonis moribus inimicus (Eunomius) ut asseueraret quod nihil cuique obesset quorumlibet perpetratio ac perseuerantia peccatorum, si huius quæ ab illo docebatur, fidei particeps esset. Et tom. 3. Ench. ca. 8. Iam de amore quid dicam, sine quo fides nihil prodest?

Parallelus 36.

Augustinomastigis Hæretici.

Cal. lib. 3. Instit. cap. 2. §. 12. (Tenendum est) Quamvis exigua sit ac debilis in electis fides : quia tamē spiritus Dei certa illis arrha est ac sigillum suæ adoptionis, nunquam ex eorum cordibus deleri posse eius sculpturam. Et l. 3 ca. 11. §. 19. Iam perspicit lector quantā æquitate, doctr. nostram hodie Sophistæ cauillentur, quum dicimus hominem solā fide iustificari.

Parallelus

G.

Parallelus 36

Augustini Catholici.

*Gratiâ habituali inherente, non solâ extrinseci Dei fauoris
acceptione, iustificamur.*

*D. Aug. lib. 1. de peccat. Merit. & Remissio. c. 9. Ille in
quo omnes viuificabuntur &c. dat etiam sui spi-
ritus occultissimam fidelibus gratiam, quam la-
tenter infundit & paruulis. Et c. 10. Legimus iu-
stificari in Christo qui credunt in eum, propter
occultam communicatio, & inspirationem gratiæ
spiritalis, quâ quisquis hæret Domino, vnus spi-
ritus est.*

Parallelus 37.

Augustinomastigis Hæretici,

*Cal. in Antidot. Concil. Trid. sessio. 6. cap. 7. Falsum
esse contendo, vllam Iustitiæ partem in qualitate,
si tam esse vel habitu qui in nobis resideat, sed
gratuitâ acceptione nos esse iustos.*

Parallelus 38.

Augustini Catholici.

*Gubernatores Ecclesiæ, Ordinatione & Vnctione
sunt non atate.*

*D. Iuo ex dictis sancti Augustini, in 6. part. ca. 151. Si-
cut enim Episcopi, Apostolorum in Ecclesiæ: ita
nimirum Presbyteri, cæterorum discipulorum
Domini vicem tenent, & illi tenent gradum sum-
mi*

Parallelus 36.

Augustini Catholici.

*Fides semel obtenta est amissibilis, nec sola sufficit
ad salutem.*

D. Aug. lib. 1. de Doctr. Christ. ca. 37. Fide titubante, caritas etiam ipsa languescit: nam si à fide quisque ceciderit, à caritate etiam necesse est cadat. *Et de Hæres. ad quod vult Deum hæres. 54.* Fertur etiam vsque à Deo fuisse bonis moribus inimicus (*Eunomius*) ut asseueraret quod nihil cuique obesset quorumlibet perpetratio ac perseuerantia peccatorum, si huius quæ ab illo docebatur, fidei particeps esset. *Et tom. 3. Ench. ca. 8.* Iam de amore quid dicam, sine quo fides nihil prodest?

Parallelus 36.

Augustinomastigis Hæretici.

Cal. lib. 3. Instit. cap. 2. §. 12. (Tenendum est) Quamvis exigua sit ac debilis in electis fides: quia tamē spiritus Dei certa illis arrha est ac sigillum suæ adoptionis, nunquam ex eorum cordibus deleri posse eius sculpruram. *Et l. 3 ca. 11. §. 19.* Iam perspicit lector quantā æquitate, doctr. nostram hodie Sophistæ cauillentur, quum dicimus hominem solā fide iustificari.

Parallelus

G.

Parallelus 37.

Augustini Catholici.

*Gratiâ habituali inhaerente, non solâ extrinseci Dei fauoris
acceptione, iustificamur.*

*D. Aug. lib. 1. de peccat. Merit. & Remissio. c. 9. Ille in
quo omnes viuificabuntur &c. dat etiam sui spi-
ritus occultissimam fidelibus gratiam, quam la-
tenter infundit & paruulis. Et c. 10. Legimus iu-
stificari in Christo qui credunt in eum, propter
occultam communicatio, & inspirationem gratiæ
spiritalis, quâ quisquis hæret Domino, vnus spi-
ritus est.*

Parallelus 37.

Augustinomastigis Hæretici,

*Cal. in Antidot. Concil. Trid. sessio. 6. cap. 7. Falsum
esse contendo, vllam Iustitiæ partem in qualitate,
si tam esse vel habitu qui in nobis resideat, sed
gratuitâ acceptione nos esse iustos.*

Parallelus 38.

Augustini Catholici.

*Gubernatores Ecclesie, Ordinatione & Vnctione
sunt non arate.*

*D. Iuo ex dictis sancti Augustini, in 6. part. ca. 151. Si-
cut enim Episcopi, Apostolorum in Ecclesia: ita
nimirum Presbyteri, cæterorum discipulorum
Domini vicem tenent, & illi tenent gradum sum-
mi*

c. 2

mi

mi Pontif. Aaron; isti verò filiorum eius. Vnde oportet vos semper memores esse tantę dignitatis, memores vestrę consecrationis sacrę, quam in manibus suscepistis, vnctionis &c.

Parallelus 38.

Augustinomastigis Hæretici.

Cal. lib. 4. Instit. cap. 3. §. 7. Gubernatores (*Ecclesia*) fuisse existimo seniores è plebe delectos, qui censurę morum & exercendę disciplinę, vnā cum Episcopis præessent.

Vide Absoluendi potestas.

I.

Parallelus 39.

Augustini Catholici.

ieiunium, maximè Quadragesimale, est præcepti.

D. Aug. Epist. 86. ad Casulan. Presbyterum. Ego in Euangelicis & Apost. literis totoque instrumēto, quod appellatur Testament. Nouum, animo id reuoluens, video præceptum esse ieiunium. Et in *Psal. 110.* Significatur quadragenario numero, quo & Moses & Elias & ipse Dominus ieiunauerunt: præcipitur enim nobis & ex lege ex Prophetis & ex ipso Euangelio, quod testimonium habet à lege & Prophetis.

Parallelus 39.

Augustinomastigis Hæretici.

Cal. lib. 4. Instit. c. 12. §. 20. Et tunc passim inualuerat superstitiōsę Quadragesimę observatio. Et infra. Fuit igitur mera *κακοζήλεια* & superstitionis plena

plena, quod titulo ac colore imitationis Christi ieiunium ornabant,

Vide, Ciborum delectus.

Parallelus 40.

Augustini Catholici.

Imaginum & Signi Crucis vsus, est laudabilis.

D. Aug. lib. 1. de Consens. Euangel. cap. 10. Cogitauerunt (Pagani volentes scriptum quoddam magicum Christo, falso tribuere) ad quos potissimum scribere potuisse facile crederetur, tanquam ad illos qui ei familiarius adhæsisent, quibus illud quasi secretum dignè committeretur, & occurrit eis Petrus & Paulus. Credo quod pluribus locis simul eos cum illis pictos viderunt, quia merita Petri & Pauli &c. D. Aug. in Psalm. 36. Concion. 2. Crux honorata est & finita. Finita est in pœna, manet in gloria. A locis suppliciorum fecit transitum ad frontes Imperatorum. Qui tantum honorẽ dedit pœnis suis, quid seruat fidelibus suis? & tract. 36. in Ioannem: Nihil erat in carne (Cruce) intollerabilius, nihil nunc est in fronte gloriosus. Quid seruat fidei suo, qui talem honorem dedit supplicio suo? Et l. 12. contr. Faust. Manich. c. 30. Signantur signo Dominicæ Passionis in frontibus Populi ad tutelam salutis.

Parallelus 40.

Augustinomastigis Hæretici.

Cal. lib. 1. Instit. c. 11. §. 14. Ut appareat lectoribus quorsum euaserit eorum furor qui imaginum magis fuerunt cupidi quam Christianos decebat: sed hoc primum expediamus. Qui hodie simulacro-

rum vsum tuentur, Nicenæ, illius Synodi Patrocinium allegant.

Infantes vide Baptizat i.

Parallelus. 41.

Augustini Catholici.

Inuocatio Sanctorum consonat Scripturæ.

D. Aug. lib. Meditat. c. 24. Felices sancti Dei omnes intercedite & orate constanter atque indefinenter pro nobis miseris. *Vide lib. 12. de imit. Dei ca. 8. circa med. exemplum florentij qui inuocans SS. Martyres mox exauditus fuit. Item August. de cura pro mor. c. 4.*

Parallelus 41.

Augustinomaestigis Hæretici.

Cal. libr. 3. Instit. ca. 29. §. 22. Postquam cœptum fuerat in Sanctorum Intercessionem respicere, sensim sua cuique procuratio est attributa; vt pro negotij diuersitate, nunc hic nunc ille aduocaretur intercessor: tum singuli peculiare sibi Diuos asciuerunt, in quorum nō secus atque tutelarium Deorum fidem se contulerunt.

Vide Adoratio Religiosa.

Iustificatio, Vide Gratia habitualis.

L.

Parallelus 42.

Augustini Catholici.

Leges morum non tollit Christiana libertas.

D. Aug. lib. 22. contra Fauſt. cap. 6. De præceptis & Sacra-

Sacramentis veteris Testam. sæpe ac multa iam diximus, vt intelligeretur aliud ibi fuisse, quod per gratiam Noui Testam. faciendo, donaretur implendum; aliud quod per veritatem patefactam remouendo, demonstraretur impletum. *Et de fide & opere. c. 24.* Quum loqueretur (*Apost. Petrus*) de iis qui in occasionem carnis acceperant & in velamentum malitiæ quod scriptum est: Nos ad Nouum Testam. pertinentes, non ancillæ filios esse, sed liberæ, quâ libertate Christus nos liberauit; & putauerunt hoc esse liberè viuere, vt tanquam de tanta redemptione securi, quicquid liberet, licere sibi arbitrarentur, non inuentes quod dictum est; vos in libertatem vocati estis fratres, tantum ne libertatem in occasionem carnis deris.

Parallelus 42.

Augustinomastigis Hæretici.

Luther. lib. de Libertat. Christian. Nullo opere, nulla lege, homini Christiano opus est, quum per fidē liber sit, ab omni lege. *Et in cap. 2. ad Galat.* Nihil mihi cum lege, Quare? quia habeo libertatem.

M.

Parallelus 43.

Augustini Catholici.

Machabeorum libri sunt verè canonici.

D. Aug. lib. 2. de doctr. Christ. cap. 8. Totus Canon Script. his libris continetur; Quinq; Moseos &c. sicut est Iob & Tobias & Hæster & Iudith, & Machabeorum libri duo.

Parallelus 43.

Augustinomastigis Hæretici.

Cal. lib. 3. Instit. cap. 5. §. 8. Quod ex Machabæorū histor. proferunt, responsione non dignabor, ne opus illud videar in Sacrorum librorum Catalogum referre.

Parallelus 44.

Augustini Catholici.

*Matrimonium est verum, idque insolubile
Sacramentum.*

D. Aug. De bono Coniugal. cap. 7. Vsq̃ue adeo fædus illud initum nuptiale, cuiusdam Sacramenti res est, ut nec ipsâ separatione irritum fiat, quandoquidem viuente viro à quo relicta est, mæchatur si alteri nupserit, & ille huius mali causa est qui reliquit. *Et cap. 15.* Quoddam Sacramentum nuptiæ gerunt, nullo modo potest nisi alicuius eorum morte dissolui.

Parallelus 44.

Augustinomastigis Hæretici.

Luther. in 1. ad Corinth. cap. 7. Si alter cum altero in gratiam redire nolit &c. poteritne cum alio contrahere? Respondeo. Procul dubio poterit. *Et Cal. l. 4. Instit. cap. 19. §. 34.* Non magis ratio Sacramenti conuenit Matrimonio, quam agriculturæ, constrinæ, aut in toriæ arti.

Paral-

Parallelus 45.

Augustini Catholici.

*Mediator per excellentiam solus est Christus; Sancti
solum secundarij.*

D. Aug. contra Epist. Parmen. 8. Homines omnes Christiani inuicem se commendant orationibus suis: pro quo autem nullus interpellat, sed ipse pro omnibus, hic vnus verusque Mediator est. Et in Psalm. 85 sub finem. Dominus noster Iesus Christus adhuc interpellat pro nobis: omnes Martyres qui cum illo sunt, interpellant pro nobis, non transeunt interpellationes illorum.

Parallelus 45.

Augustinomastigis Hæretici.

Cal. lib. 3. Institut. cap. 20. §. 21. Ad conciliandam Dei beneuolentiam, eorum (Sanctorum) merita subinde obtruduntur, atque vt plurimum, Christo præterito, per eorum nomina Deus obsecratur. An non hoc quæso est munus vnice illius intercessionis, quam Christo supra asseruimus, ad illos traducere?

Vide Adoratio & Inuocatio Sanctorum.

Parailelus 46.

Augustini Catholici.

Meretur iustus ex iustitia mercedem vite æternæ.

D. Aug. De Perfectio. Iustitia, Resp. 17. Post hanc vitam merces perficiens redditur; sed eis tantum à quibus in hac vita, eiusdem mercedis meritum com-

comparatur. *Et Epist. 46. ad Valentinum:* vt iustificetur impius, hoc est, ex impio fiat iustus, & incipiat habere meritum bonum, quod Deus coronabit quando iudicabitur mundus.

Parallelus 46.

Augustinomastigis Hæretici.

Cal. l. 3. Institut. c. 15. §. 3. Quæ autem ista est malignitas, non contentos illâ Dei largitate, quæ nihil tale merentia opera indebitis præmiis muneratur, sacrilegâ ambitione ultra contendere, vt operum meritis videatur rependi, quod Diuinæ totum est munificentia. *Et §. 4.* Scio Sophistas abuti locis quibusdam vnde probent meriti nomen.

Parallelus 47.

Augustini Catholici.

Missæ verum Sacrificium Deo, non Sanctis, offerunt Romano-Catholici.

D. August. Concio. 11. in Psalm. 33. Nondum enim erat Sacrificium Corporis & Sanguinis Domini, quod fideles norunt, & qui Euangelium legerunt, quod Sacrificium nunc diffusum est toto orbe terrarum. *Et de Ciuit. Dei lib. 22. cap. 10.* Nec ibi erigimus altaria in quibus Sacrificemus Martyribus, sed vni Deo & Martyrū & nostro Sacrificium immolamus &c. Deo quippe, non ipsis Sacrificat, quamuis in memoria sacrificet eorum. *Et libro. 20. contr. Faust. cap. 21.* Quis enim Antistitem in loco SS. Corporum assistens altari, aliquando dixit: Offerimus tibi Petre, aut Paule, aut Cypriane? *Pro missis priuatis vide lib. 22. de ciuit. Dei, c. 8.*

Paral-

Parallelus 47.

Augustinomastigis Hæretici.

Cal. l. 4. Instit. c. 18. §. 8. Dico priuatas Missas cū Christi institutione ex Diametro pugnare, ideoq; impiam esse S. Cœnæ prophanationem. *Et paulo post.* In Missis ergo priuatis impius est abusus.

Vide Altaria, & Monica.

Parallelus 48.

Augustini Catholici.

Monachorum & Monialium institutum est laudabile.

D. Aug. in Psalm. 132. Quare ergo & nos non appellemus Monachos, quum dicit Psalm. Ecce quā bonum & quam iucundum &c. *Et in Psalm. 99.* Inuenis Sanctimoniales indisciplinatos, nunquid ideo sanctimonium reprehendendum est?

Parallelus 48.

Augustinomastigis Hæretici.

Cal. l. 4. Instit. c. 13. §. 17. Cur idem de Monachis dicere non liceat, qui vnà cum cucullo, mille impiarum superstitionum laqueum sibi induunt? Iam quæ votorum species? *Et §. 19.* Ad Moniales verò qui trahere licuit hunc Pauli locum?

Parat-

Parallelus 49.

Augustini Catholici.

S. Monica moriens piè sui memoriam ad altare fieri desideravit.

D. Aug. l. 9. Confessio. c. 13. Non ista mandauit (*Monica*) nobis, sed tantummodo, memoriam sui ad altare tuum fieri desideravit, cui nullius diei præmissione seruierat; **Et ca. 12.** Nam neque in eis precibus quas tibi fundimus cum offertur pro ea (*Monica*) Sacrificium pretij nostri, iam iuxta sepulchrum posito cadauere &c. nec in eis precibus ego fleui.

Parallelus 49.

Monicæ mastigis Hæretici.

Cal. l. 3. Instit. cap. 5. §. 10. Monicam matrem suam in libris, Confessionum Augustinus narrat vehementer rogasse, ut sui memoria in peragendis Mysteriis fieret ad altare. Anile scilicet votum, quod filius non exegit ad normam Scripturæ.

Necessitas voluntatis, Vide Arbitrium & fatalis peccandi necessitas.

Parallelus 50.

Augustini Catholici.

Observantia legis non est homini impossibilis.

D. Aug. de nat. & Grat. cap. 69. Eo quippe ipso quo firmissimè creditur, Deum iustum & bonum impossibilia non potuisse præcipere: hinc admone-mur & in facilibus, quid agamus, & in difficilibus, quid petamus.

Paral-

Parallelus 50.

Augustinomastigis Hæretici.

Cal. l. 2. Institut. 6. 7. §. 5. Sit ergo extra controuersia, impossibile esse in hac carne, legis implementum.

Oleum Benedictum, Vide Christmas. Sacram. & Altaria Sacra.

Parallelus 51.

Augustini Catholici.

Opera supererogationis agnoscit D. Augustinus.

D. August. de S. Virginitat. cap. 30. Neque enim sicut non Machaberis, non occides; ita dici potest; non nubes. Illa exiguntur, ista offeruntur. Si fiunt ista, laudantur: nisi fiant illa, damnantur. In illis Dominus debitum imperat vobis: in his autem si quid amplius supererogaueritis, in redeundo reddet vobis.

Parallelus 51.

Augustinomastigis Hæretici.

Caluin. li. 3. Institut. cap. 14. §. 14. Iactare verò Supererogationis opera, quomodo cum illo conuenit, quod nobis præceptum est, ut quum fecerimus quæcumque præcipiuntur nobis, dicamus nos seruos esse inutiles?

Operum puritas, Vide Actiones Iustorum.

Operum necessitas, Vide Fides & Leges.

Parallelus

Parallelus 52.

Augustini Catholici.

Ordo est verum noua Legis Sacramentum.

D. August. de bono Coniugal. cap. 24. Si fiat ordinatio Cleri ad plebem congregandam, etiamsi plebis congregatio non subsequatur, manet tamen in illis ordinatis Sacramentum Ordinationis. *Et lib. 2. contra Epist. Parmen. cap. 13.* Vtrumque enim (*Baptismus & S. Ordo*) Sacramentum est & quâdam consecratione vtrumque homini datur.

Parallelus 52.

Augustinomastigis Hæretici.

Caluin. lib. 4. Instit. cap. 19. §. 22. Primum autem obiter perstringemus quot & quam insulas absurditates nobis ingerant, dum nobis suos Ordines pro Sacramentis commendare volunt.

Paruuli, Vide Baptizati, Patres. Vide Auctoritas SS. Patrum, & Scriptura.

Papa, Vide Primatus.

P.

Parallelus 53.

Augustini Catholici.

Peccata alia sunt mortalia, alia venialia.

D. August. de Spirit. & lit. cap. 36. His constitutis, peccatum erit hominis ex fide viuientis, aliquando alicui delectationi illicitæ consentire, non tantum in illis horrendis facinoribus & flagitijs perpetrandis, verum etiam in istis leuioribus. *Et Enchirid.*

chrid. cap. 22. Non ideo mendacium poterit aliquando laudari, quia nonnunquam pro salute quorundam mentimur. Peccatum ergo est, sed veniale.

Parallelus 53.

Augustinomastigis Hæretici.

Caluin. lib. 3. Instit. cap. 4. §. 28. Hic in asylum confugiunt ineptæ distinctionis, peccata quædam venialia esse, quædam mortalia. Sic cum Deo ludunt & ineptiunt. *Et lib. 2. cap. 8. §. 59.* habeant filij Dei, omne peccatum mortale esse, quia est aduersus voluntatem Dei rebellio.

Parallelus 54.

Augustini Catholici.

*Peccatum originale est verè peccatum, non sola
Natura deprauatio.*

D. August. lib. 6. contra Iulian. Pelag. cap. 1. Ut quomodo ille moriendo similitudini peccati, peccato mortuus prædicatur; ita quicumque in illo fuerit baptizatus, eidem peccato, cuius in Christo similitudo, non veritas; eidem rei, cuius illa fuerit similitudo, moriatur. Et quomodo in illius vera carne vera mors fuit, sic fiat in veris peccatis vera remissio. *Et lib. 22. de Ciuitat. cap. 24.* In Originali malo duo sunt, peccatum atque supplicium.

Parallelus 54.

Augustinomastigis Hæretici.

Caluin. lib. 2. Instit. cap. 1. §. 5. Hæc est hæreditaria corruptio, quam peccatū Originale veteres nuncupârunt: peccati voce intelligentes, naturæ antea bonæ puræque deprauationem.

Paral

Parallelus 55.

Augustini Catholici.

Peregrinationes ad loca sancta sunt Religiosæ.

D. Aug. Epist. 137. ad Clerum, & Pop. Hippōnen. Quis potest eius (Dei) consilium perferutari, quare in alijs locis hæc miracula fiant, in alijs non fiant? Multis enim notissima est Sanctitas loci, ubi B. Felici Nolensis corpus conditum est, quo volui ut pergerent, quia inde nobis, &c.

Parallelus 55.

Augustinomastigis Hæretici.

Caluin. lib. 4. Instit. cap. 13. §. 7. Fuit enim hoc pro magna sapientia habitum, votivas Peregrinationes ad sanctiora loca suscipere, &c. Hæc & similia non tantum inania deprehenduntur ac nugatoria, sed plena manifestæ impietatis.

Parallelus 56.

Augustini Catholici.

Perseuerantia certitudinem nullus, quantumvis iustus, habet.

D. August. l. 11 de Ciuit. cap. 12. Licet de suæ Perseuerantiæ præmio certi sint, de ipsa tamen perseuerantia sua reperiuntur incerti. Quis enim hominum se in actione profectuque iustitiæ perseueraturum usque in finem sciat, nisi aliquâ reuelatione?

Paral.

Parallelus 56.

Augustinomaistigis Hæretici.

Caluin. lib. 3. Instit. cap. 2. §. 16. Verè fidelis non est, &c. nisi qui Divinæ erga se benevolentia promissionibus fretus, indubitatam salutis expectationem præsumit.

Parallelus 57.

Augustini Catholici.

S. Petrus sedes Romæ.

D. August. lib. 2. contr. lit. Petilian. cap. 51. Cathedra tibi quid fecit Ecclesiæ Romanæ, in qua Petrus sedet, & in qua hodie Anastasius sedet? *Et lib. 2. de Hæres. ad Quodvult. hæres. 1.* In qua urbe (Roma) B. Apost. Petrus cum (Simonem Magum) verâ omnipotentis Dei virtute extinxit.

Parallelus 57.

Augustinomaistigis Hæretici;

Caluin. lib. 4. Instit. cap. 6. §. 14. Quod de sessione Petri in Rom. Ecclesia referunt, non vident quid fidei habere debeat.

Vide Apostolorum Caput.

Pœnitentia, vide Absoluendi potestas, & Confessio, & Contritio.

Parallelus 58.

Augustini Catholici.

Prædestinatio ad pœnam facta est ex præuisione demeritorum.

D. August. lib. 3. contr. Iulian. cap. 18. Bonus est Deus,
d iustus

iustus est Deus, potest aliquos sine bonis meritis liberare quia bonus est; non potest quemquam sine meritis damnare, quia iustus est.

Parallelus 58.

Augustinomastigis Hæretici.

Caluin. lib. 3. Insti. cap. 21. §. 7. Quos verò damnationi Deus addicit, his iusto quidem & irreprehensibili sed irreprehensibili ipsius iudicio, vitæ aditum præcludi asserimus. *Et cap. 23. §. 7.* Inficiari nemo potest quin præsciuerit Deus quem exitū esset habiturus homo, antequam ipsum cōderet, & ideo præsciuerit, quia decreto suo sic ordinârat. *Et ibid.* Decretum fuit à Deo ut suâ defectione periret Adam.

Vide Deus.

Parallelus 59.

Augustini Catholici.

Prædestinationis certitudinem nemo hic habet.

D. August. de corrept. & grat. cap. 13. Quis ex multitudine fidelium, quamdiu in hac mortalitate vivitur, in numero Prædestinatorum se esse præsumat?

Parallelus 59.

Augustinomastigis Hæretici.

Caluin in Antidot. Concil Trident sess. 6. cap. 15. Sælectionis certos esse convenit vniuersos fideles.

Presbyter. vide Gubernatores Ecclesia, & Ordo.

Paral-

Parallelus 60.

Augustini Catholici.

Primatus sedis Romanae semper viguit.

D. August. Epist. 102. ad Innocent. Papam. Quia te Dominus gratiæ suæ præcipuo munere in sede Apost. collocavit, talemque nostris temporibus præstitit. Et Epist. 162. In Rom. Ecclesia semper viguit Apostolicæ Cathedræ principatus.

Parallelus 60.

Augustinomastigis Hæretici.

Calvin. lib. 4. Instit. cap. 6. §. 1. Primatum Rom. sedis, unde probare contendunt penes se solos esse Cathol. Ecclesiam, non attigimus, quia neque ex Christi instituto, neque ex Ecclesiæ veteris usu, sumpsit originem.

Parallelus 61.

Augustini Catholici.

Purgatorium ignem multi patientur.

D. August. in Psalm. 37. Neque in ira tua emendes me, ut in hac vita purges me, & talem me reddas, cui iam emendatorio igne non opus sit, propter illos qui salvi erunt, sic tamen quasi per ignem. Et infra. Non solum de illo æterno (igne) qui in æternum cruciaturus est impios, sed etiam de illo qui emendabit eos qui per ignem salvi erunt.

Parallelus 61.

Augustinomastigis Hæretici.

Calvin. lib. 3. Instit. cap. 5. §. 6. Clamandum ergo
d 2 non

S.

Sacerdos, vide Absoluendi potestas, & Gubernatoris Ecclesia.

Parallelus 63.

Augustini Catholici.

Sacramenta producant gratiam ex opere operato.

D. August. questio. 84 super Leuit. Quomodo ergo & Moyses sanctificat & Dominus? Non enim Moyses pro Domino, sed Moyses visibilibus Sacramentis per ministerium suum; Dominus autem inuisibili gratiâ per Spiritum sanctum. ubi est totus fructus etiam visibiliû Sacramentorum. Nâ sine ista sanctificatione inuisibilis gratiæ, visibilia Sacramenta quid profunt? *Et in Psal. 83.* Sacramenta noui Testam. dant salutem; Sacramenta veteris Testam. promiserunt Saluatorem.

Parallelus 63.

Augustinomastigis Hæretici.

Luther. art. . . apud Roffen. Hæretica est, sed visitata sententia, Sacramenta nouæ legis dare gratiam illis qui non ponunt obicem. *Et Calvin. l. 4 Inst. c. 14. §. 17.* Cauendum ne arbitremur latentem aliquam virtutem Sacramentis annexam affixamque esse, quo ipsa per se Spiritus S. gratiam nobis conferant.

Vide Gratia habitualis.

Sacrificium, vide Missa, & Monica.

Sancti, vide, Adoratio, Inuocatio, Mediator,

Reliquia.

d 3

Paral-

Parallelus 64.
Augustini Catholici.

Satisfactio peccatorum Deo est prestanda.

D. August. Enchirid. cap. 70. Nemini enim dedit Deus laxamentum peccandi, quamvis miserando debeat iam facta peccata, si non satisfactio cōgrua negligatur. *Et Homil. 50.* Non sufficit mores in melius commutare & à factis malis recedere, nisi etiam de his quæ facta sunt, satisfiat Deo per pœnitentiæ dolorem.

Parallelus 64.
Augustinomastigis Hæretici.

Luther. art. 7. apud Rossen. Vehementer odi & sublatum vellem hoc vocabulum, Satisfactio. *Et Culla lib. 3. Infit. cap. 4. §. 8.* Parum me mouent quæ in veterum scriptis de Satisfactione passim occurrunt.

Parallelus 65.
Augustini Catholici.

*Scriptura S. interpretationi standum iuxta
Patrum doctrinam.*

D. August. contr. Epist. Manichæi, cap. 5. Quod si fortè in Euāgelio aliquid apertissimū de Manichæi Apostolatu inuenire potueris, infirmabis mihi Catholicorū, auctoritatē, qui iubent vt tibi non credam: quā infirmatā, nec Euāgelio credere poterō, quia per eos illi credideram. *Et de utilitate credend. cap. 6.* Nihil est profecto temeritatis plentius quæ nobis tunc pueris ineratī, quam quorumcunq; libtorū (*Sanctorum*) expositores deserere, &c. An iste vulgò

55

Scripturæ Legis planissimæ sunt, in quas isti quasi vulgò quasi expofitas ineptum faciunt frustra atque inaniter?

Parallelus 65.

Augustinomastigis Hæretici.

Luther. lib. contr. Anglia Reg. Ego aduersus dicta Patrum & Angelorum, pono Euangelium &c, Nihil curo si mille Augustini, mille Cypriani, mille Ecclesiæ contra me starent. *Et Cal. li. 1. Instit. ca. 7. §. 2.* Vanissimum est igitur commentū Script, iudicandæ potestatem esse penes Ecclesiam.

Vide Auctoritas SS. Patrum.

Parallelus 66.

Augustini Catholici.

Superstitione caret adoratio Corporis Christi in Eucharistia.

D. Aug. in Psalm. 98. In ipsa carne hic ambulauit (Christus,) & ipsam carnem nobis manducandam ad salutem dedit. Nemo autem illam carnem manducat, nisi, prius adorauerit *Et infra.* Et non solum non peccemus adorando, sed peccemus non adorando.

Parallelus 66.

Augustinomastigis Hæretici.

Cal. li. 4. Instit. c. 17. §. 6. Quid ergo? Superstitiosum esse cultum negabimus, quum sese homines coram pane prosternunt, vt Christum illic adorerent?

Vide Caro Christi.

T.

Parallelus 67.

Augustini Catholici.

Timor Inferni salubriter concutit Hominem.

D. Aug. cap. 5. de Catechi. & d. rudibus. De ipsa etiam
seueritate Dei, quâ corda mortalium saluberrimo
terrore quatiuntur, charitas ædificanda est, vt ab
eo quem timet, amari se gaudens, cum redamare
audëat.

Parallelus 67.

Augustinomastigis Hæretici.

Luther. art. 4. apud Rossen. Timor est pœna Purga-
torij.

Vide Contritio.

Parallelus 68.

Augustini Catholici.

Traditiones Ecclesiæ infallibiliter sunt recipiendæ.

D. Aug. l. 2. contr. Donatist. ca. 7. Quam consuetud.
credo ex Apost. Traditione venientē, sicut mul-
ta quæ non inueniuntur in literis eorum, neque
in Conciliis posteriorum, & tamen quia per vni-
uersam custodiuntur Ecclesiam, non nisi ab ipsis
tradita & commendata creduntur. Et l. 5. c. 23. Sunt
multa quæ vniuersa tenet Ecclesia & ob hoc, ab
Apostolis præcepta bene creduntur, quanquam
scripta non reperiuntur.

Parallel-

Parallelus 68.

Augustinomastigis Hæretici.

Cal. 4. Instit. ca. 8. §. 8. Esto igitur hoc firmum Axioma, non aliud habendum esse Dei verbum cui detur in Ecclesia locus, quam quod lege primum & Prophetis, deinde Scriptis Apostolicis continetur.

Parallelus 69.

Augustini Catholici.

Transsubstantiatio non est à Sophistis excogitata.

Lib. Sentent. Prosperi ex D. Aug. Quum fideliter fateamur, ante consecrationem, panem esse & vinū quod natura formavit: post consecrationem verò, carnem Christi & sanguinem esse, quod benedictio consecrauit.

Parallelus 69.

Augustinomastigis Hæretici.

Cal. lib. 4. Instit. cap. 17. §. 13. Hinc prodiit fictitia illa Transsubstantiatio, pro qua hodie acrius depugnant (*Papista*) quam pro omnibus aliis fidei suæ capitibus,

Parallelus 70.

Augustini Catholici.

Trinitas habet Personarum Consubstantialitatem.

D. Aug. lib. 11. de Ciuit. ca. 24. Credimus &c. Atq; hoc totum & Trinitas sit propter proprietatem Personarum, & vnus Deus, propter inseparab. Diuini.

Diuinitatem *Et in Psal. 68.* Vnde etiam in fide Cathol. contra venena quorūdam Hæreticorum sic ædificamus, vt dicamus Patrem & Filium & Spiritum S. vnus substantiæ esse.

Parallelus 70.

Augustinomastigis Hæretici.

Luther. contra Latomū. Anima mea odit hoc verbum *ὁμοσιον*, id est Consubstantialem, videlicet filium:

V.

Parallelus 71.

Augustini Catholici.

Virginitas merito & premio superat nuptias.

D. Aug. de Ecclesiast. Dogmat. c. 68. Sacratæ verò virginitati nuptias coæquare, aut pro amore castigandi corporis, abstinētibus à vino vel carnibus, nihil credere meriti accrescere; non hoc Christiani, sed Iouiniani est. *Et de bono viduitat c. 15.* Continentiam coniugio præponamus: Sanctam verò virginitatem etiam continentia viduam.

Parallelus 71.

Augustinomastigis Hæretici.

Cal. l. 4. Instit. c. 12. §. 27. Inualuit nimis superstitiosa cœlibatus admiratio: hinc illi subinde & sine modo decantata Virginitatis encomia, vt vix vlla alia virtus, cum ea conferenda vulgò crederetur. *Et ca. 12. §. 18.* Votum autem Cœlibatus non alia ratione improbamus, nisi quia & pro cultu perperâ æstimatur, & temerariè ab iis nuncupatur, quibus
conti-

continendi potestas facta non est.
Vide Castitas. Calibatus, & Votum.
Vnctio. Vide Extrem. Vnctio.

Parallelus 72.

Augustini Catholici.

Voluntas Hominis nisi libera esset, peccare non posset.

D. Aug. disputat. 2. contr. Fortunatum: Peccata, ut dixi, nisi libera voluntas esset in nobis, peccata non essent.

Parallelus 72.

Augustinomastigis Hæretici.

Cal. lib. 3. Instit. cap. 23. §. 7. Excusabiles peccando haberi volunt Reprobi, quia euadere nequeunt peccandi necessitatem, præsertim quum ex Dei ordinatione sibi iniiciatur huiusmodi necessitas: Nos verò inde negamus ritè excusari, quandoquidem, Dei ordinationi, quâ se exitio destinatos conqueruntur, sua constet æquitas.

Vide Arbitrium, Deus, & fatalis peccandi necessitas.

Parallelus 73.

Augustini Catholici.

Vota fidelium, Sacerdotum & Monachorum non sunt temeraria.

D. Aug. lib. 7. de ciuit. ca. 4. Dixerant potentes illi (Apostoli) ecce nos dimisimus omnia & secuti sumus te, hoc votum potentissimi vouerant. Et Epist. ad Armentarium. Teneatur apud Deum sponsio tua. Et de Virginitat. c. 19. Præsumiter itaque, fidite, roborami-

boramini, permanete qui vouetis & redditis Domino Deo vestro vota perpetuæ continentiæ, nō propter præsens sæculum, sed propter Regnum cælorum. *Et de fide ad Petrum. ca. 2.* Quod scit esse licitum & ad profectum vitæ melioris pertinere cognoscit, & libenter voueat, & celeriter reddat.

Parallelus 73.

Augustinomastigis Hæretici.

Luther. libr. de votis Monast. Vota Monastica sunt impia, Gentilitia, Iudaica, Dæmoniaca &c. *Et Cal. l. 4. Instit. ca. 13. §. 3.* In quo genere primatum vesanæ audaciæ tenet Cœlibatus, Sacrifici enim, Monachi & Moniales suæ infirmitatis obliti, cœlibatui se pares esse confidunt: quo autem oraculo edocti sunt, constaturam sibi totâ vitâ castitatem, in cuius finem eam vouent? *Et § 13.* Abominationi esse apud Deum quicquid vouent, ex Superioribus concludo.

Vide Castitas, Cœlibatus & Virginitas.

C E N S V R A.

Scriptum istud vtiliter imprimetur,
quòd in eo variæ nostri temporis hæreses,
vel vnus D. Augustini verbis profligan-
tur ac poterantur.

G V I L I E L M V S F A B R I C I V S
Apostolicus & Archiducalis
librorum Cenfor.

Vt omnibus constet quantum Catho-
lica S.P.N. Augustini Doctrina ab Hære-
seon erroribus distet; Ordinarij appro-
batione iuxta S. Concil. Trid. decretum,
accedente, facultatem concedo vt paral-
leli isti in lucem edantur. Datum Loua-
nij in Conuentu Sancti Augustini 26. Iu-
nij 1618.

Fr. A V G V S T I N V S T H E O D O R I
Ord. Erem. S. Aug. Prior
Prouincialis indignus.

